



**Nærøyfjorden
verneområdestyre**

Postadresse
Nærøyfjorden verneområdestyre
Njøsavegen 2
6863 Leikanger

Besøksadresse
Fjordsenteret
5745 Aurland

Kontakt
Sentralbord: +47 57 64 30 00
Direkte: +47 5764 3129

fmvlpst@fylkesmannen.no
www.nasjonalparkstyre.no/naroyfjorden

Statens vegvesen

Sakshandsamar Anbjørg Nornes

Vår ref. 2021/3953-0 432.2

Dykkar ref.

Dato 27.04.2021

Dispensasjon - Delegert vedtak - endring - Nærøyfjorden landskapsvernområde - Stalheimskleiva - midlertidig anleggsveg - Statens vegvesen

Sender vedlagt delegert vedtak frå Nærøyfjorden verneområdestyre.

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28-29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til og sjå saksdokument.

Med helsing

Anbjørg Nornes
verneområdeforvaltar

Dokumentet er elektronisk godkjent

Kopi til:

Vestland fylkeskommune	Postboks 7900	5020	BERGEN
Aurland kommune	Vangen 1	5745	AURLAND
Statsforvaltaren i Vestland	Njøsavegen 2	6863	LEIKANGER
SNO Aurland			



Utval	Delegeringssak (DS)
Nærøyfjorden verneområdestyre	

Delegert vedtak - endring - Nærøyfjorden landskapsvernområde - Stalheimskleiva - midlertidig anleggsveg - Statens vegvesen

Delegert vedtak

***I medhald av delegeringsreglement vedteke av Nærøyfjorden verneområdestyre
30.11.2015, vert det gjort fylgjande vedtak:***

Nærøyfjorden verneområdestyre gjev Statens vegvesen dispensasjon til å gjera endringar på planane for bygging av ein midlertidig anleggsveg i Stalheimskleiva. Dispensasjonen er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ.

Løyvet er gjeve med fylgjande vilkår:

- Stabbesteinane der øvste delen av anleggsvegen vert kopla på Stalheimskleiva, kan flyttast midlertidig medan anleggsarbeidet pågår. Stabbesteinane skal setjast på plass att når arbeidet er ferdigstilt.
- Bergnabben i øvste del av anleggsvegen, der anleggsvegen vert kopla på Stalheimskleiva, kan fjernast. Steinane skal brytast laust, eller meislast vekk. Steinane skal leggjast tilbake i terrenget når anleggsvegen vert fjerna, slik at landskapet vert minst mogleg endra.
- Ved opprydding etter anleggsvegen skal alle spor fjernast, og terrenget skal tilbakeførast til den stand det var før vegen vart bygd.
- Anleggsvegen skal vera rydda og fjerna etter 3 år, og seinast innan 01.10.2023.
- Det skal ikkje ligge att lagra massar og restar frå vegfylling i verneområdet etter at anleggsperioden er ferdig.
- Når arbeidet er ferdig, skal det sendast inn dokumentasjon som viser opprydding etter anleggsvegen.



Saksopplysningar

Dokument som bakgrunn for saka:

- Dispensasjonssøknad – endring midlertidig anleggsveg i Stalheimskleiva, frå Statens vegvesen datert 26.04.2021
- Dispensasjon – Nærøyfjorden landskapsvernområde – Stalheimskleiva – midlertidig anleggsveg, sak 24/21 – 15.03.2021

Saka vert vurdert etter:

- Forskrift om vern av Nærøyfjorden landskapsvernområde av 08.11.2002
- Naturmangfaldlova av 19.06.2009
- Forvaltningsplan for Nærøyfjorden, rapport nr. 1 - 2008

Nærøyfjorden verneområdestyre gav Statens vegvesen dispensasjon frå verneforskrifta for Nærøyfjorden landskapsvernområde for å bygge ein midlertidig anleggsveg i Stalheimskleiva, sak 24/21. Anleggsvegen skal brukast i samband med istandsetting av Minesvingen i Stalheimskleiva. 21. april var Statens vegvesen på synfaring i Stalheimskleiva saman med entreprenørar for å planlegge oppstart av arbeidet. Det vart då oppdaga nokon utfordringar som gjer at tiltaket må endrast i den øvre del av anleggsvegen der den vert påkopla den freda vegen. Tiltaket er naudsynt då påkoplinga til vegen må vera flat.

Endringane gjeld fylgjande tiltak på øvre del av anleggsvegen:

- Fjerna ein bergnabb som stikk ut i overkant av der anleggsvegen kjem inn att på vegen.
- Mellombels flytting av stabbesteinar der anleggsvegen kjem inn på vegen.



Blå ring nærmast viser bergnapp som skal fjernast. Den andre blå ringen viser stabbestein som må flyttast. Kopi frå søknad.



Bergnabben som må fjernast er på om lag 30-40 cm i breidde og 1 m i høgde. Det er ei sprekk i berget slik at den truleg kan brytast av med gravemaskin. Elles må steinen meislast vekk. Dette er planlagt utført på ein mest mogleg skånsam måte som vil gje så lite inngrep i landskapet som mogleg.

Stabbesteinane skal flyttast midlertidig, og vert sett på plass att når arbeidet er ferdigstilt.

Lovgrunnlaget.

«Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av plante- og dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter» jf. verneforskrifta § 2.

Nærøyfjorden landskapsvernområde er «..verna mot alle inngrep eller tiltak som vesentleg kan endre eller verke inn på landskapets art eller karakter» jf. verneforskrifta § 3, pkt.1.1. Området er verna mot «...oppføring av anlegg og faste innretningar, sprenging, masseuttak, utfylling, planering og lagring av masse, lausbryting og fjerning av stein og mineral...» jf. § 3 pkt. 1.1. a).

Tiltaket med midlertidig anleggsveg må difor vurderast etter naturmangfaldlova § 48 fyrste ledd, fyrste alternativ; *«Forvaltingsmyndigheten kan gjøre inntak frå et vernevedtak dersom det ikke strider mot vernevedtakets formål og ikke kan påvirke verneverdiene nevneverdig»*. Det må vurderast om vilkåra for å gje dispensasjon etter naturmangfaldlova § 48 er oppfylt, og om det kan gjevast dispensasjon til tiltaket.

Etter naturmangfaldlova (nml.) § 7 skal prinsippa i §§ 8-12 leggjast til grunn ved utøving av offentleg mynde, og det skal koma fram av vedtaket korleis prinsippa er vurdert og vektlagt i saka.

Vurdering

Nærøyfjorden verneområdestyret har gitt dispensasjon til å bygge ein midlertidig anleggsveg i Stalheimskleiva. Styret vurderte at tiltaket ikkje ville føre til nemneverdig skade på verneverdiane, eller vera i strid med verneføremålet. Endringane det vert søkt om er mindre tilpassingar for å kunne bygge anleggsvegen og få reparert muren i Stalheimskleiva. Styret har vurdert denne saka tidlegare, og søknaden om endringar vert difor behandla som delegert vedtak.

Kunnskapsgrunnlaget og føre-var prinsippet jf. nml. §§ 8 og 9 vart vurdert i fyrste saksframlegget, sak 24/21, og vert lagt til grunn for vurderinga i denne saka. Stabbesteinane vert berre midlertidig flytta på, og er eit midlertidig tiltak om ikkje vil gje varig endring av landskapet. Bergnappen som skal fjernast vil gje inngrep i landskapet. Det er likevel eit svært lite inngrep som ikkje vil føra til vesentleg endring av landskapet. Endringane er vurdert til i liten grad å gje auka belastning på naturverdiane jf. nml. § 10.

Dersom det er mogleg å bryte laus bergnappen med gravemaskin, vil det vera ein skånsam metode for landskapet. Dersom det ikkje er mogleg, vil steinen verta meisla vekk. Begge desse metodane er vurdert til å vera gode miljømessige metodar jf. nml. § 12, ved at



steinane kan flyttast og leggjast tilbake i terrenget etter anleggsvegen er fjerna og området skal tilbakeførast. For opprydding av området vert det vist til vilkåra i sak 24/21.

Nml. § 11 er vurdert som ikkje relevant i denne saka.

Konklusjon

På bakgrunn av vurdering etter naturmangfaldlova §§ 8-12 og verneforskrifta, meiner forvaltar det er grunnlag for å gje dispensasjon frå naturmangfaldlova § 48 fyrste ledd og fyrste alternativ til endringane det er søkt om for den midlertidig anleggsveg i Stalheimskleiva. Med dei vilkåra som er sett, vil tiltaket ikkje vera i strid med verneføremålet, eller føra til nemneverdig skade på verneverdiane.